



## REGES ETRVSCI (I)

diligēns -ntis *adiec*

audāx -ācis *adiec*

Etrūscus -a -um < Etrūria

honor -is *m*

domicilium -ī *n* = ubi hominēs  
habitant

trēs tria = III (3)

nōmen -inis *n*

dīvitiae -ārum *fpl*



beneficia praestāre = beneficia  
facere

ingēns -ntis *adiec* = magnus

apud rēgem *acc* = cum rēge *abl*


ad-monēre = monēre

animōs movēre = persuadēre

Dum Ancus rēgnat, Lucumō, vir dīligēns atque  
audāx, ā patriā discēdit –erat enim Etrūscus, in  
oppidō Tarquiniā nātus– atque cum uxōre urbem  
Rōmam petit. Lucumō et Tanaquīl glōriam atque  
honōrēs cupiunt, itaque domicilium in urbe Rō- 5  
mā quaerunt atque Lucumō nōmen Rōmānum  
accipit ‘Lūcium Tarquinium Prīscum’ –Rōmānī  
enim nōn ūnum nōmen, sed tria nōmina habē-  
bant. Dīvitiae Tarquiniī ingentēs erant ac bene- 10  
ficia multa Tarquinius praestābat, itaque magna  
erat fāma eius inter cīvēs atque etiam apud rē-  
gem: Tarquinius enim rēgem Ancum admonēbat  
et liberōs eius ēducābat. Post mortem Ancī liberī  
eius comitia exspectābant –populus Rōmānus  
rēgēs comitiīs creābat– sed Tarquinius quoque 15  
rēgnum Rōmānum cupiēbat! Itaque animōs cī-  
vium movet atque rēgnum Rōmānum ā liberīs  
Ancī rapit. Rōmānī Tarquinium rēgem faciunt: is  
igitur prīmus rēx Rōmānus peregrīnus est.



20 Rēx bellum gerit cum Latīnīs et Sabīnīs eōsque  
vincit atque foedera īnstituīt cum multīs populīs  
peregrīnīs –‘foedus’ pācem et amīcitiām inter  
inimīcōs facit. At cīvēs neque in bellō neque in  
pāce ōtium habēbant, nam Tarquinius nova et  
25 magna opera in urbe semper imperābat: ingen-  
tem mūrū lapidibus aedificat atque cloācam,  
magnum opus, facit. Etiam lūdōs et certāmina  
gladiātōrū īnstituīt. Tūta et pulchra erat urbs,  
neque vērō omnēs laetī erant in eā: liberī Ancī  
30 rēgnū Tarquiniī recūsābant atque eum necāre  
cupiēbant. Itaque scelus terribile parant –ho-  
minēs perversī beneficia nōn praestant, sed sce-  
lera faciunt: pāstōrēs aurō corrumpunt et eōs  
iubent rēgem interficere. Tunc pāstōrēs dolum  
35 parant et ferōcem pugnam simulant prope rē-  
giam. Rēx clāmōrēs terribilēs pāstōrū audit  
eōsque vocat. Cum pāstōrēs ad rēgem veniunt,  
alter pugnam nārrat, alter vērō arma capit atque  
40 rēgem oppugnat! Rēx magnum vulnus accipit at-  
que mortuus cadit!

foedus -eris *n*amīcitiā -ae *f*opus -eris *n* :  
mūrūlapis -idis *m* = saxumcertāmen -inis *n*  
gladiātōr -ōris *m*tūtus -a -um : urbs tūta est, nam  
rēx eam cūstōdit  
omnis -e ↔ nūllus  
terribilis -e < terrēre  
homō -inis *m*scelus -eris *n* ↔ beneficium  
cum *tempus indicat*vulnus -eris *n* ferōx -ōcis *adiec*prope *praep+acc* ●

## Rem tenē!

---

### 1. Respondē ad interrogāta:

- Quis est Lūcius Tarquinius Prīscus?
- Eratne Rōma patria Tarquiniī?
- Cūr erat ingēns fāma eius?
- Num liberī Ancī rēgnum patris recūsābant?
- Estne Tarquinius vir iūstus?

### 2. Quid significat?

- Cum rēge Tarquiniō cīvēs numquam ōtium habent:
  - Tarquinius est rēx tranquillus quī deōs et religiōnem colit.
  - Tarquinius semper nova opera in urbe imperat.
- Tarquinius animōs cīvium movet:
  - Verba Tarquiniī animōs cīvium mūtant.
  - Cīvēs animōs in agrō habēbant et Tarquinius eōs in urbe pōnit.
- Lucumō beneficia multa faciēbat:
  - Multōs cīvēs adiuuābat.
  - Multōs cīvēs diligēbat.
- Rēx bellum gerit cum Latīnīs et Sabīnīs:
  - Rēx bellum contrā inimicōs Sabīnōs et Latīnōs facit.
  - Rēx Latīnōs et Sabīnōs vocat et cum iīs bellum contrā Etrūscōs facit.
- Tarquinius multa foedera cum populīs peregrīnīs instituit:
  - Tarquinius bellum gerit cum populīs peregrīnīs.
  - Tarquinius populōs peregrīnōs sociōs facit.
- Liberī Ancī scelus terribile contrā Tarquinium parant:
  - Liberī Ancī beneficia faciunt et rēgem adiuvant.
  - Liberī Ancī Tarquinium interficere cupiunt.

### 3. Quae sententia melius capit argūmentum lēctiōnis I?

- Populus Rōmānus Ancum Mārcium rēgem comitiīs creat.
- Tarquinius rēx est in urbe Rōmā atque multa opera ante mortem instituit.
- Tanaquīl, uxor Lucumōnis, domicilium quaerit atque honōrēs cupit.
- Filiū Ancī Mārcī clāmōrēs Tanaquīlis audiunt eamque interficiunt

### 4. Quālis est Lucumō? Eius virtūtēs et vitia indicā, deinde causam explānā:

**Exemplum:** Peregrīnus: *est, quia is nōn Rōmānus, sed Etrūscus est.*

- Audāx: \_\_\_\_\_
- Diligēns: \_\_\_\_\_
- Iūstus: \_\_\_\_\_
- Bellicōsus: \_\_\_\_\_
- Perversus: \_\_\_\_\_

## 5. Estne vērum an falsum?

- Dum Tarquinius rēgnat, Rōmānī nūllum ōtium habent.
- Post mortem rēgis liberī Ancī rēgnum nōn recūsant.
- Sabīnī et Latīnī cum Rōmānīs pugnant.
- Tarquinius mūrūm et cloācam aedificat.
- Virī perversī scelera praestant.

V	F

## Vocābula disce!

---

## 6. Iunge verba cum vocābulis, deinde sententiās scribe:

foedus  
bellum  
animum  
beneficium  
ōtium

movēre  
īnstituere  
habēre  
gerere  
praestāre

- In bellō numquam Rōmānī \_\_\_\_\_.
- Populī vicīnī cum Rōmānīs \_\_\_\_\_.
- Rēx diligēns \_\_\_\_\_.
- Rōmānī post pugnam foedus instituunt cum Albānīs.
- Dux audāx \_\_\_\_\_ militum in pugnā \_\_\_\_\_.

## 7. Scribe vocābula eiusdem familiae:

- clāmōr*: Sī rēx \_\_\_\_\_, senātōrēs clāmōrēs audiunt.
- vulnus*: Virī \_\_\_\_\_ vulnera habent.
- diligēns*: Vir diligēns officium suum \_\_\_\_\_.
- timor*: Nōn \_\_\_\_\_ nec perterrita est fēmina audāx.
- terribilis*: Clāmōrēs terribilēs hominēs \_\_\_\_\_.

## 8. Quid convenit?

scelus / honōrēs / peregrīnus / foedus / nōmina

- Ē patriā suā discēdit atque ad novam patriam venit: \_\_\_\_\_.
- Mortem patris cupiunt: ecce \_\_\_\_\_ terribile!
- Vir audāx \_\_\_\_\_ cupit.
- Populōs inimīcōs sociōs facit: \_\_\_\_\_.
- Nōn ūnum, sed tria \_\_\_\_\_ habēbant Rōmānī.